

D. O. M.
THESES
PHYSIOLOGICÆ

PUBLICIS AGITANDÆ DISPUTATIONIBUS
IN SCHOLIS MEDICORUM
ACADEMIÆ CADOMENSIS,

PRO BACCALAUREATUS GRADU CONSEQUENDO,

M. PETRO ANGO, Professore Regio,
Præside.



CADOMI,
Ex Typis ANTONII CAVELIER, Regis & Academiæ Typographi.

M. DCC. XIV.

THE
 HISTORY
 OF THE

REIGN OF
 CHARLES THE FIRST
 IN THE
 YEAR 1649

BY
 JOHN RICHARDSON

LONDON
 Printed by J. Sturges, at the
 Sign of the Anchor, in St. Dunstons Church-yard, 1717



THESES PHYSIOLOGICÆ.

I.

MEDICINA à medendo sic dicta, rectè definitur Ars ad corporis humani sanitatem tuendam, morbosque profligandos comparata. Duplex vulgò distinguitur, Theoretica scilicet, quæ præcepta tradit; Practica verò, quæ tradita adhibet. Theoreticæ tres numerantur partes; Physiologia, quæ hominis integrè sani naturam scrutatur: Pathologia, quæ affectus homini præter naturam supervenientes persequitur; Semeiotice, quæ signa quibus morbi dignoscuntur, eorumque exitus prædicitur, explicat.

I I.

PRACTICA duas habet; Hygieine, quæ accommodatam victus rationem decernit; Therapeutice, quæ medendi rationem præscribit, Diætâ, Chyrurgiâ, Pharmaciâ perficiendam. Tres fuerunt præcipuæ Medicorum sectæ, Empyricorum scilicet, Methodicorum, & Dogmaticorum; quibus diligenter & accuratè perpenſis, Dogmaticorum sectam cæteris anteponendam arbitramur. Elementi nomine, corpus simplicissimum è quo omnia componuntur, intelligimus.

I I I.

CHYMICI quinque elementa admittunt, spiritum scilicet, oleum, sal, aquam, & terram: hanc opinionem sequimur. Temperamentum est apta & conveniens elementorum in mixto corpore proportio. Tria porò ad temperamenti rationem requiruntur, certa scilicet elementorum copia, mixtura, & contemperatio, è quibus fluunt omnes, quæ in mixtis corporibus deprehenduntur, qualitates. E varia eorundem copia, mixtura, & contemperatio,

temperamentorum differentiae emergunt; hinc famosa illa nomina melari cholici, sanguinei, pituitosi, & bilioli.

IV.

CORPUS solidis & liquidis partibus constat. Pilos & ungues inter veras partes merito numeramus. Omnes corporis partes suam habent à cerebro originem, quod è fibrillis constat, è quibus ulterius ductis, & ad sese propius accedentibus, cerebellum, ac medulla, tam oblongata, quàm spinalis, conflantur; è fibrillis simul nexis fibræ; ex his in fasciculos collectis nervi, ex iisdem simul intertextis membranæ, è quibus in orbem plicatis cavitates tam sensiles, quàm insensiles formantur: illæ ipsæ si secundum quandam sui superficiem se tangant, tendines; si secundum maiorem, cartilagine; si secundum maximam, ossa constituunt.

V.

FERMENTATIO est particularum, quibus corpus constat, motus intensius & turbulentus ad mutationem efficiendam comparatus. Fermentatio fit acidi cum alkali conflictu. Illa peractâ, nullum remanet vel alkali, vel acidum, sed ex utroque factum purè salinum. Ea ad fermentandum apta sunt corpora, quæ partibus constant non solum subtilibus, sed etiam crassis, quæ subriles irretiant, ab hoc enim renisu pendet fermentationis motus: hinc quod major est particularum, quæ fermentum, corpusque fermentandum constituunt, dissimilitudo, eò vehementior concitatur fermentatio.

VI.

FERMENTA constant particulis tenuissimis, angulis pluribus inter se dissimillimis: liquida citius & fortius, quàm solida vim suam exerunt. Glandulæ sunt secretionum organa; eæ verò vel conglobatæ sunt, vel conglomeratæ; illæ fibris constant, & vesiculis, è quibus vas lymphaticum ducitur; hæ verò plures sunt glandulæ in unam molem congestæ, communique membranâ involutæ, è quibus singulis peculiaris tubulus proficiscitur.

VII.

SECRETIONIS nomine quamdam particularum ab uno eodemque liquore separationem intelligimus: alia simplex est, alia mixta; in illa subtiliores tantum liquoris particule à crassioribus separantur; in mixta verò crassiores ejusdem generis non solum ab aliis crassioribus, sed etiam à subtilioribus, quæ in liquore remanent, secernuntur. Saliva liquor est serosus ac lymphidus, à sanguine per faucium & oris glandulas secretus, qui per vasa salivalia in os fluit.

VIII.

ARTERIÆ, non nervi, ejus materiam suppeditant: saliva constat particulis tam acidis, quàm alkalinis; hinc summâ incidendi ac penetrandi vi

pollet; alimentorum in ore fermentationem inchoat. Chylus est succus lacteus ex alimentis in ventriculo elicitus: ventriculus continet liquorem, qui cibos penetrat, dissolvit, & in chylum commutat: plurimi liquorem ejusmodi acidum volunt, nos insipidum esse contendimus.

IX.

FAMES molestus est irritationis in ventriculo, sitis autem in oesophago sensus: famis causa est ventriculi fermentum, quod falsis suis particulis agit in alimenta, cum ventriculus illis repletur. Sanguis è chylo elicitur, iisdemque principiis constat. Quidam sanguinem in pulmonibus ruborem suum assequi propugnant: statuimus chylum recentem in vena tum subclavia, tum cava jam immutari, frequenti cum ipso circuitu magis dividi, tandem in pulmonibus ab aëte ita contereri, ut quædam ejus particule sanguinis, aliæ liquoris crystallini naturam induant: sanguinis circuitus per totam vitam continuus est.

X.

NUTRITIUS liquor à crystallina sanguinis portione proficiscitur: continua est succi nervosi per cerebri glandulas secretio, perennis per tubulos distributio, ac per nervos in partes singulas influxus. Cum nulla penè sit corporis pars, quæ glandulis non pertundatur, nulla est per quam lymphæ quædam insipida non cõletur, quæ per vasa lymphatica idè dicta in cor tandem cum sanguine refluit. Pinguedo liquor est, qui à sanguine per cutis, omenti, mezenterii, renum, lumborum, ac musculorum glandulas secretus, per peculiare ductus in sacculos effunditur, è quibus per venas cum sanguine ad cor redit.

XI.

SUDORIS materia à sanguinis sero per cutis glandulas secreto proficiscitur. Cum spirituosæ & aquosæ sanguinis particule; hæ propter flexibilitatem, illæ propter tenuitatem in fermentationis opere facilius ab aliarum consortione expellantur, per cutis glandulas & tubulos insensibiliter transpirant; cujus perspirationis insensibilis causa à sanguinis fermentatione, quæ quò vegetior est, eò copiosior est perspiratio, repeti debet. Datur quidam mucus, qui intestinorum interiorem membranam obducit.

XII.

LIENEM fibrarum, cellularumque congeriem esse demonstrat Anatomia: sanguis in ejus cellulis plurimum immutatur. Bilis sale lixivioso, volatili & fixo, ac oleo potissimum constat; spiritus etiam aliquid, aquæ ac terræ continet. Continua est bilis per hepatis glandulas secretio, & per tubulos peculiare distributio: ad sanitatem tuendam necessaria est; unde à multis sanguinis balsamum vocatur.

XIII.

URINÆ materia proxima est sanguinis serū; remota, alimentorum pars aquosa, cum eorum salis, sulphureisque particulis frequenti fermentatione permixta. Sal urinæ inest efficacissimum. Per mulieris uterum singulis mensibus effluit sanguis, qui menstruus ided dicitur. Purgationis ejusmodi incertum est tempus; certa etiam ejusdem copia definiri non potest. Sanguis iste non secus ac quilibet alius laudabilis est. Menstruæ purgationis causam à fermento ex utero in sanguinem transmissio deducimus.

XIV.

LACTIS materia chylus est, qui frequenti cum sanguine circuitu depuratus, per mammarum glandulas è sanguine secernitur. Semen in testibus conficitur. Ejus materia à sanguine ex arteriis ad testes delato, ac per totam eorum molem distributo repertus debet: dum enim ille in testium tubulos impingit, ejus rubra pars à crystallina secernitur: illa per venas præparantes dictas ad cor reducitur; hæc testium tubulos pervadit, in quibus sal ejus volatile vires suas exerit, liquorum meatus dilatat, spiritus suscitatur, semenque conficit. A sale semen suam habet fecunditatem.

XV.

LIQUOR, qui in coitu à mulieribus emittitur, non est semen, nec ad generationem confert. Mulierum testiculi vesiculis à sese discretis constant, quæ in ovorum numero jure habentur. Ova tam in recens natis, quam in iis, quæ conceperunt, mulieribus reperiuntur: in illis quàm minima, in istis majora. Generationis instrumenta sunt partes genitales, præsertim verò penis, qui è diversis constat partibus eum in finem conspirantibus, ut rigescere, & semen in uterum emittere possit: ad ejus erectionem nervi, arteriæ, & musculi conferunt. A sanguine penis erectio.

XVI.

AVesiculis seminalibus semen, è prostatico humor serofus in urethram simul impellitur. Semen viri ultra uteri vaginam non pervadit, & ex ea paulo post excidit, sed exhalat spiritus, qui si in ovum incidat maturum, hujus cicatriculam subit, & liquorem adeo fermentat, ut ex utroque formetur partes singulæ. Eo temporis puncto fit conceptio, quo seminalis aura ovi liquores exagitat: hujus liquoris virtus à seminis virilis spiritu proficiscitur. Ovi liquores suam à sanguine habent originem.

XVII.

EX parte mulieris facilis est conceptio: prius concipere potest, quàm menstruam purgationem passâ fuerit. Senior, etiam si non fluant amplius menstrua, concipere pariter potest. Si seminis spiritus plura ova matura simul fermentent, plures prodeunt fetus. S. p. foetalis est secunda conceptio.

scilicet cùm mulier jam grávida cum viro iterum congressa concipit: unde superfœtat mulier, quando uteri os post primum conceptum non exquiritè clauditur, & eo temporis puncto rursus coit.

XVIII.

EO tempore perfecta est partium omnium figuratio, quo embrii motus à matre percipitur, in quibusdam sextâ hebdomadâ peractâ, in aliis in festo tertio, ut plurimum circa quartum mensem cum dimidio. Embrium à succo nutritio per mulieris uterum diffuso suum habet nutrimentum. Si mulier grávida aliquam imaginem attento contempletur animo, eam ipsam fœtui imprimat.

XIX.

QUANDO mulieris ovum duobus constat vitellis sese contingentibus, eâdemque tunicâ inclusis, utrâque ovi cicatriculâ ab aurâ seminali fecundatâ, fœtus nascitur monstrosus, bicorpor, biceps, vel bimanus. Partus est fœtus perfecti atque absoluti editio: si ante mensem septimum, & fœtus jam fuerit grandis, appellatur abortus. Mensis septimus primus est partus humani terminus; ante ipsum rarè sunt vitales: octimestrem partum vitalem esse ac legitimum contendimus. Novimestris omnium vivacior est. Quidam partum ad mensem decimum-tertium, alii ad decimum-quartum, nos ad undecimum vel duodecimum prorogari posse volumus.

XX.

PARTUS causa proxima est uteri irritatio, cujus irritationis causa multiplex & prima est fœtus motio insolita, eaque vel à Meconii accumulatione, vel alimenti defectu pender: secunda causa est fœtus tum gravitas, tum magnitudo: tertia demùm petitur ab humorum, urinæ scilicet, succique nutritii in amnio contenti, salsedine. Insolita illius motionis precipua causa est necessitas, quâ fœtus ad respirandum urgetur,

Hæ Theses proponebat PETRUS LOISEL DE COURSON,

Thorignæus, Artium Magister,

die Martis 10. Julii, A. R. S. H. M. DCCXIV.

ab hora secunda ad vesperam.